

**Nelson Cabinetry LLC** sa sjedištem **3301 Conflans Rd #301 Irving, TX 75061;**

**EIN: 83-1201329**, koga zastupa direktor **Muamer Misut**

(u daljem tekstu: **Naručilac**)

I

**Hanan Bajramović**, sa prebivalištem **Blatuša 34A, Zenica, 72000, BiH;**

**15.07..2004.** god. (u daljem tekstu: **Izvršilac**)

zaključili su dana, **28.02.2024.** godine u Sarajevu sljedeći:

## **UGOVOR O PRUŽANJU USLUGA**

### **Uvodne odredbe**

#### **Član 1.**

Ugovorne strane definiraju da:

- je Izvršilac lice koje raspolaže znanjem, iskustvom i vještinama potrebnim za provedbu poslovnih usluga koje su predmet ovog Ugovora;
- je Naručilac kompanija koja ima potrebu za stručne i poslovne usluge koje nudi Izvršilac;
- obje ugovorne strane imaju interes za poslovnu suradnju na području stručnih usluga, koje su predmet ovog Ugovora;
- Naručilac želi osigurati kvalitetnu provedbu predmetnih usluga, sa sklapanjem posebnog ugovora, kako bi se osigurao kontinuitet usluga u skladu sa načelima profesionalnosti i poslovne tajne.

### **Predmet Ugovora**

#### **Član 2.**

Predmet ovog Ugovora su obaveze Izvršioca da za vrijeme trajanja ovog Ugovora Naručiocu pruža usluge koje se općenito odnose na djelatnost Naručioca, a kroz obavljanja poslova >> **Wordpress expert** << .

## **Prava i obaveze ugovornih strana**

### **Član 3.**

Obaveze Izvršioca usluga:

- Osiguravanje visoke učinkovitosti u upravljanju svim tehničkim aspektima WordPressa
- Rješavanje problema korisničkog sučelja (HTML, CSS, JavaScript)
- Revizija WordPress tema i dodataka
- Instalacija dodatka i teme
- Upravljanje bazom podataka (MySQL)
- Služba za korisnike putem e-pošte
- izrada i analiza izvještaja u oblasti rada
- obaveza obavljanja posla stručno i savjesno, prema pravilima struke I zakonskih propisa;
- obaveza obavljanja poslova u okvirima, odnosno s namjerom realizacije generalnog plana aktivnosti

Naručioca i u skladu sa pojedinačnim zahtjevima odnosno narudžbama Naručioca, što sve po svojoj isključivoj poslovnoj odluci određuje Naručilac.

### **Član 4.**

Naručilac usluga se obavezuje:

- obezbijediti po planu i u dogovoreno vrijeme sve potrebne informacije Izvršiocu u okviru dogovorenog zadatka;
- proslijediti Izvršiocu potrebnu dokumentaciju i informacije unaprijed, te svoja mišljenja ili preporuke u pismenom ili usmenom obliku; Sva dokumentacija i preporuke Naručioca su namjenjene isključivo za informaciju Izvršiocu, koji ih bez pisane saglasnosti Naručioca ne smije upotrebljavati za druge svrhe i proslijeđivati trećim licima.
- Izvršiocu plaćati obavljene usluge u skladu sa ovim Ugovorom. Način obavljanja usluga

### **Član 5.**

Izvršilac je dužan usluge koje su predmet ovog Ugovora, obavljati od kuće uz posjedovanje vlastitog računara i telefona, a sve u skladu sa odredbama ovog Ugovora.

Izvršilac je dužan usluge obavljati profesionalno, savjesno i odgovorno, a sve u skladu sa odredbama ovog Ugovora. Izvršilac je dužan prilikom pružanja usluga pridržavati se načela savjesnosti i poštenja, očuvanja poslovnog ugleda Naručioca, poštivati pravila struke i unaprijediti kvalitetu usluga i proizvoda Naručioca;

Izvršilac će usluge obavljati u skladu sa važećim zakonima, iskustvom i pažnjom dobrog stručnjaka.

## **Član 6.**

Izvršilac je dužan da poštuje organizaciju rada i poslovanja kod Naručioca, uslove i pravila Naručioca u vezi sa ispunjavanjem ugovorih i drugih obaveza iz poslovnog odnosa. Izvršilac je dužan lično obavljati preuzeti posao prema pisanim ili usmenim uputama Naručioca datim u skladu sa prirodom i vrstom posla, pri čemu Naručilac utvrđuje mjesto i način obavljanja rada poštujući pri tome prava i dostojanstvo Izvršioca. Izvršilac je dužan da obavijesti Naručioca o bitnim okolnostima koje utiču ili bi mogli da utiču na obavljanje usluga utvrđenih ovim ugovorom. Izvršilac se obavezuje da će za potrebe što kvalitetnijeg pružanja usluga na zahtjev Naručioca pohađati programe interne i eksterne edukacije.

## **Član 7.**

Naručilac je saglasan da će Izvršiocu pružiti sve potrebne informacije i suradnju u pribavljanju informacija i dokumentacije za profesionalno obavljanje usluga po ovom ugovoru. Ugovorne strane mogu sporazumno utvrđivati planove kojima će se, za određeni period, bliže definisati konkretni poslovi iz člana 3. ovog ugovora, i rokovi realizacije tih poslova. U cilju blagovremenog i efikasnog pružanja usluga, Izvršilac će redovno pratiti poslovne aktivnosti i poslovne rezultate Naručioca, vršiti uvid u odgovarajuće poslovne planove i izvještaje o poslovanju Naručioca, organizirati informativne sastanke sa ovlaštenim predstavnicima Naručioca i po pozivu Naručioca, učestvovati na skupovima i sastancima koje Naručilac organizira unutar Poslovne grupe, ili sa poslovnim partnerom. Mjesto i vrijeme obavljanja usluga.

## **Član 8.**

Izvršilac će usluge obavljati od kuće u mjestu svog prebivališta, kao i u drugim mjestima, u skladu sa potrebama poslovanja, a na osnovu neposrednog usmenog ili pismenog naloga Naručioca ili lica koje on ovlasti. Izvršilac će usluge pružati prema dnevnom i sedmičnom rasporedu radnog vremena koji utvrđuje Naručilac, u skladu sa prirodom i potrebama posla.

## **Način plaćanja**

### **Član 9.**

Naručilac usluga se obavezuje da će Izvršiocu usluga na ime fiksne naknade za izvršene usluge prema ovom Ugovoru isplaćivati netto iznos **750.00 \$**.

Izvršilac posla se obavezuje da na navedeni netto iznos iz stava I ovog člana izmiri sve obaveze u pogledu poreza i doprinosa, u skladu sa pozitivnim zakonskim propisima. Naknada će se isplaćivati mjesečno, nakon izvršenih usluga, i to najkasnije do 15-tog u mjesecu, za prethodni mjesec, na Paypal račun Izvršioca sa sljedećim podacima: [hananbajramovic075@gmail.com](mailto:hananbajramovic075@gmail.com).

### **Član 10.**

Naručilac može iznos naknade iz stava I člana 9., uvećati obračunom varijabilne (stimulativne) naknade (bonus \$) po osnovu radnog učinka Izvršioca, povećanja obima posla, odnosno po osnovu njegovog doprinosa poslovnom uspjehu Naručioca, odnosno u vezi sa dostizanjem mjesečnih planova i ciljeva, o čemu odluku samostalno donosi Naručilac. Takva varijabila naknada, kao i bilo kakav vid poticaja, bonusa, pogodnosti ili drugih isplata koje nisu propisane kao fiksne - obavezujuće ovim Ugovorom, nisu zagarantovane od strane Naručioca, i Izvršilac nema pravo da ih potražuje od Naručioca.

### **Član 11.**

Ako Izvršilac ne pruži uslugu u skladu s Ugovorom ili ne pruži uslugu očekivane razine kvalitete, ili pravi, odnosno ponavlja greške prilikom obavljanja usluga, Naručilac može smanjiti iznos plaćanja naknade ili tražiti povrat plaćenih iznosa srazmjerno težini neispunjenih obaveza ili isporuke loše kvalitete, odnosno napravljenih grešaka. To se posebno odnosi na slučajeve u kojima Naručilac ne može odobriti rezultat rada, izvještaj ili isporučivi rezultat nakon što je Izvršilac dostavio tražene dodatne informacije, ispravke ili novu verziju.

## **Trajanje ugovora**

### **Član 12.**

Ugovor se zaključuje na određeno vrijeme, na period od 28.02.2024. do 28.02.2025. Godine.

## **Prestanak ugovora**

### **Član 13.**

Ugovorne strane su saglasne da Ugovor može prestati i prije isteka vremena na koji je zaključen na osnovu:

- Sporazuma, saglasnom voljom ugovornih strana;
- Zbog težeg kršenja obaveza iz ovog Ugovora od strane ugovornih strana, bez poštivanja otkaznog roka;
- Jednostranim raskidom Ugovora od bilo koje ugovorne strane, u skladu sa zakonom i propisa donesenih na osnovu zakona, uz otkazni rok od 30 dana, koji se računa od dana prijema pismenog otkaza.

U slučaju prestanka ugovora Izvršilac ima pravo na plaćanje, samo za usluge pružene do datuma raskida ugovora.

## **Viša sila**

### **Član 14.**

Nijedna ugovorna strana se neće smatrati odgovornom za kašnjenje ili neizvršavanje obaveza prema ovom Ugovoru ukoliko kašnjenje ili neizvršavanje bude uzrokovano razlozima više sile, pod čim se podrazumijeva događaj koji je izvan razložne kontrole ugovornih strana, kao što je, ali ne ograničavajući se na: rat, demonstracije, prirodne katastrofe, pandemije, požar, poplava, štrajkovi i slične obustave. U slučaju da nastupi viša sila, ugovorne strane će o tome odmah obavijestiti jedna drugu. Rokovi određeni za izvršenje usluga tada će biti produženi za vrijeme trajanja razloga više sile.

## **Poslovna tajna i povjerljivost**

### **Član 15.**

Odavanje poslovne tajne predstavlja težu povredu Ugovora, zbog čega se može raskinuti ovaj Ugovor, a u tom slučaju Naručilac ima pravo i na naknadu štete od Izvršioca koji je narušio pravilo o poslovnoj tajni. Izvršilac je dužan ne otkrivati informacije o kojima ima saznanje, koje su poslovna tajna Naručioca, kako u toku važenja Ugovora, tako i nakon njegovog prestanka. Izvršilac će spriječiti neovlašteno objavljivanje ili zloupotrebu povjerljivih informacija ili poslovnih tajni Naručioca, kako bi se osiguralo da te informacije nisu direktno ili indirektno dostupne trećim stranama i da ih ne smije koristiti u druge svrhe osim za ispunjenje njegovih obaveza utvrđenih Ugovorom. Obaveza da ne otkrije poslovnu tajnu Naručioca traje neodređeni vremenski period nakon prestanka Ugovora.

## **Član 16.**

Poslovnom tajnom Naručioca će se smatrati sve informacije o finansijama Naručioca, informacije o pruženim uslugama i dobrima prodavanim od strane Naručioca, klijentima, marketingu, ličnim informacijama radnika, pravila o cijenama i popustima, informacije o dobavljačima i uvjetima saradnje sa dobavljačima kao i bilo koje druge javnosti nedostupne informacije o Naručiocu i/ili njegovoj poslovnoj aktivnosti. Ovo se odnosi na sve poslove, naročito na informacije o nadređenima ili suradnicima, izvorima opskrbe, klijentima/strankama i drugim ugovornim partnerima, a u vezi zaključivanja ugovora i uslova, o ekonomskim, tehničkim, unutrašnjim, poreznim i ličnim odnosima, o poslovnim dokumentima i planovima svih obrazaca, kao i unutrašnjim poslovima Naručioca. Takva se povjerljivost nadalje odnosi na automatski obrađene podatke i njihov prijenos. Izvršilac je nadalje obavezan čuvati sve poslovne dokumente, naročito podatke o strankama/klijentima i cjenovnicima, te osigurati da treće strane ne mogu pristupiti istima. Dokumente i isprave ili kopije takvih dokumenata i isprava (npr. bankovnih kartica klijenata, ličnih dokumenata i slično) koje je Izvršilac dobio i koristi za potrebe vršenja usluga po ovom Ugovoru, će koristiti samo za potrebe izvršavanja njegovih usluga kod Naručioca, te se obavezuje da iste neće kopirati, čuvati i koristiti u lične svrhe ili učiniti dostupnim trećim licima. Naručilac ima pravo da u svakom trenutku dopuni navedeni popis poslovnih tajni I dokumentacije, obavještavajući Izvršioca o tome u pismenom obliku. Javne informacije ili informacije koje Naručilac učine dostupnim javnosti se ne smatraju poslovnom tajnom.

## **Član 17.**

Svako otkrivanje, korištenje ili nuđenje informacija o komercijalnim tajnama je prihvatljivo samo uz prethodno pismeno dopuštenje Naručioca i mora biti dokumentirano, te u slučajevima kada je isto obavezno na osnovu zakona i/ili naredbe nadležnog organa i/ili suda. Ako Izvršilac prekrši zabranu predviđenu ovim stavom tokom trajanja Ugovora ili nakon raskida Ugovora, Izvršilac će nadoknaditi Naručiocu sve gubitke uzrokovane takvim djelom ili neuspjehom u djelovanju. Izvršiocu je izričito zabranjeno reagovati na medijske upite ili pružiti informacije medijima. Pojam „mediji“ obuhvaća cjelokupnost svih komunikacija i komunikacijskih organizacija.

## **Član 18.**

Izvršilac će obrađivati i imati pristup ličnim podacima samo i isključivo u količini i na način potreban za ispunjavanje radnih obaveza, a u skladu sa normativnim aktima. U tom slučaju, Izvršilac je dužan ne učiniti dostupnim lične podatke trećim stranama, koje nemaju pravni osnov za dostavu istih i čuvati tajnost svih informacija i ličnih podataka kojima može imati pristup tokom izvršavanja ovog Ugovora, i da takve podatke samo i isključivo dostavlja ovlaštenom osoblju. Izvršilac će poštovati povjerljivost u vezi sa ličnim podacima, te je obavezan da čuva sve podatke tajnama. Izvršilac se obavezuje pridržavati Zakona o zaštiti ličnih podataka potpisivanjem posebne Izjave koja je dio Ugovora.

## **Član 19.**

Kršenje obaveze čuvanja povjerljivosti se smatra težom povredom ovog Ugovora. Obaveza povjerljivosti Izvršioca ostaje na snazi i nakon prestanka Ugovora. Nakon raskida Ugovora, Izvršilac će vratiti Naručiocu sve instrumente ili uredski materijal koji mu je stavljen na raspolaganje tokom angažmana, kao i svedokumente, papire, isprave ili druge medije za pohranu informacija, a vezane za poslove Naručioca koje može posjedovati. Izvršilac neće imati pravo da zadrži ili traži takve materijale.

## **Zabrana konkurencije (takmičenja)**

### **Član 20.**

Izvršilac za vrijeme trajanja ugovornog odnosa, iz razloga što angažmanom kod istog stiže nova važna tehnološka saznanja, širok krug poslovnih partnera i dolazi do saznanja važnih poslovnih informacija i tajni, ne može kao saradnik ili radnik u drugoj kompaniji ili kao samostalni poduzetnik sudjelovati u djelatnosti koja je ili bi mogla biti u konkurentnom odnosu sa djelatnošću Naručioca.

Ako Izvršilac prekrši Zabranu konkurencije, Naručilac ima pravo da od Izvršioca zahtjeva naknadu štete, ustupanje zaključenih poslova ili prenos stvarne koristi ili prava iz zaključenih poslova, a takvo ponašanje Izvršioca predstavlja težu povredu odredbi ovog ugovora, zbog čega mu Ugovor o pružanju usluga može biti otkazan. Odredbe Ugovora o zabrani konkurencije vrijede i (2) dvije godine nakon raskida ovog Ugovora, u kojem periodu Izvršilac ne može kao saradnik ili radnik u drugoj kompaniji ili kao samostalni poduzetnik obavljati djelatnosti koja je ili bi mogla biti u konkurentnom odnosu sa djelatnošću Naručioca, a u slučaju kršenja Zabrane konkurencije Naručilac ima pravo na naknadu štete.

### **Član 21.**

Izvršilac se obavezuje da neće za vrijeme trajanja ovog Ugovora, kao ni nakon prestanka Ugovora, direktno ili indirektno tražiti ili na bilo koji drugi način ubijediti ili uticati na bilo kojeg dobavljača, poslovnog partnera, klijenta, agenta ili bilo koju drugu vrstu poslovnog partnera Naručioca da postupa na bilo koji od sljedećih načina:

- povuče, smanji ili otkáže bilo koji svoj poslovni odnos sa Naručiocem;
- raskine ili ne obnovi ugovorni odnos sa Naručiocem, ili
- na bilo koji drugi način negativno utiče na bilo koje poslovanje izvršeno od strane Naručioca sa bilo kojim licem navedenim u ovom članu namjerno koristeći poslovne tajne koje su mu postale ili mogle postati poznate za vrijeme trajanja ugovora o pružanju usluga.

## **Završne odredbe**

### **Član 22.**

Na sve što nije regulisano ovim Ugovorom, primjenit će se odgovarajuće odredbe Zakona o obligacionim odnosima, i drugih relevantnih propisa.

### **Član 23.**

U slučaju da je bilo koja odredba ovog ugovora o pružanju usluga ništava, ili izgubi pravnu snagu odnosno postane nevaljanom, ili se ne može primijeniti zbog promijenjenih okolnosti, valjanost i primjena preostalih ugovornih odredaba neće tim biti dovedena u pitanje, a ugovorne strane saglasne su s tim da će takvom okolnošću zahvaćeni dio Ugovora o pružanju usluga sporazumno zamijeniti, poštujući namjere i ciljeve ugovornih strana kako to proizilazi iz ovog Ugovora.

### **Član 24.**

Ugovorne strane izjavljuju da ovako ugovoreni odnos prihvataju u cijelosti, da će se pridržavati prava, obaveza i dužnosti koje proizilaze iz ovog Ugovora o pružanju usluga, da u slučaju spora sadržinu ovog ugovora ne treba dokazivati, te u znak svog pristanka i prihvata ovog ugovora, stavljaju svoje vlastoručne potpise. Ugovorne strane potvrđuju da su upoznate sa sadržajem i značenjem odredbi ovog Ugovora, te se odriču prava pobijanja ovog Ugovora iz razloga nerazumijevanja istog.



#### **Član 25.**

Ugovorne strane su se sporazumjele da će sve eventualne nesporazume proizašle iz ovog Ugovora rješavati sporazumno, a u slučaju spora nadležan je Općinski sud u Sarajevu.

#### **Član 26.**

Ugovor je sastavljen u četiri (4) istovjetna primjerka, od kojih svaka ugovorna strana zadržava po dva (2) primjerka.

**Naručilac**

**Izvršilac**

**Nelson Cabinetry LLC.**



---

**Muamer Misut, director**

---

**Hanan Bajramović**